

**VENDIM**  
**Nr. 620, datë 29.7.2020**

**PËR PËRCAKTIMIN E KUSHTEVE DHE TË MËNYRËS SË PËRFITIMIT TË MBROJTJES SË VEÇANTË TË GARANTUAR NGA SHTETI PËR PËRMBARUESIN GJYQËSOR**

Në mbështetje të nenit 100 të Kushtetutës, të nenit 27, të ligjit nr.8730, datë 18.1.2001, “Për organizimin dhe funksionimin e shërbimit të përmbarrimit gjyqësor”, të ndryshuar, dhe të nenit 39, të ligjit nr.26/2019, “Për shërbimin përmbarrimor gjyqësor privat”, me propozimin e ministrit të Drejtësisë, Këshilli i Ministrave

**VENDOSI:**

1. Përmbarruesit gjyqësor, shtetëror dhe privat, i sigurohet mbrojtje e veçantë personale, e familjes dhe e pronës, sipas parashikimeve të këtij vendimi, kur gjatë ushtrimit të detyrës ose për shkak të saj, i rrezikohet jeta dhe shëndeti i tij ose i familjes si dhe prona.

2. Me mbrojtje të veçantë personale të familjes dhe të pronës, sipas këtij vendimi, do të kuptohen masat me karakter organizativ e profesional, për sigurimin dhe ruajtjen e veçantë fizike, mbrojtjen e familjes e të pronës së përmbarruesit gjyqësor, si dhe masat e tjera, që lidhen me këtë mbrojtje.

3. Kushtet për të përfituar mbrojtje të veçantë janë, si më poshtë vijon:

a) Prania e rrethanave serioze, që rrezikojnë jetën, familjen ose pronën e përmbarruesit gjyqësor;

b) Lidhja shkakësore ndërmjet rrethanave serioze që rrezikojnë jetën, familjen ose pronën e përmbarruesit gjyqësor dhe ushtrimit të detyrës.

4. Kërkesa për mbrojtje të veçantë i paraqitet komisionit me shkrim nga përmbarruesi gjyqësor, drejtori i përgjithshëm i Policisë së Shtetit, ministri i Drejtësisë, drejtori i përgjithshëm i Përmbarrimit, kryetari i Dhomës Kombëtare të Përmbarruesve Gjyqësorë Private, si dhe çdo organ tjetër publik, që, për shkak të funksionit, merr dijeni për praninë e rrethanave serioze që rrezikojnë jetën, familjen ose pronën e përmbarruesit gjyqësor.

5. Kërkesa për mbrojtje të veçantë përmban:

a) gjenealogjetet e plota të kërkuesit;

b) një përmbledhje të fakteve e të rrethanave, që përbëjnë rrezik serioz për përmbarruesin gjyqësor, të cilat detyrojnë të sigurohet mbrojtje e veçantë, si dhe burimin e provave, ku bazohen ato;

c) llojin e masave që kërkohen dhe kohëzgjatjen e tyre.

6. Kërkesa për mbrojtje i paraqitet komisionit nga subjektet e përcaktuara në pikën 4, të këtij vendimi, kur ka të dhëna të besueshme që provojnë se një përmbarruesi gjyqësor, shtetëror ose privat, i rrezikohet jeta, familja ose prona.

7. Kur rreziku ndaj përmbarruesit gjyqësor është serioz dhe i çastit, drejtori i përgjithshëm i Policisë së Shtetit urdhëron strukturat e Policisë së Shtetit të marrin masa të menjëhershme për të garantuar jetën, familjen ose pronën e përmbarruesit gjyqësor, deri në mbledhjen e komisionit. Komisioni, pas shqyrtimit të kërkesës, vlerëson masat e marra nga strukturat e Policisë së Shtetit dhe vendos, kur është rasti, për vazhdimin e mëtejshëm të tyre ose ndërprerjen e mbrojtjes së veçantë.

8. Kërkesat për sigurimin e mbrojtjes së veçantë shqyrtohen nga Komisioni për Mbrojtjen e Përmbarruesve Gjyqësorë, i cili ngrihet dhe funksionon pranë Ministrisë së Drejtësisë, me përbërje si më poshtë vijon:

a) Një përfaqësues i Ministrisë së Drejtësisë, i caktuar nga ministri, i cili është njëkohësisht edhe kryetar i komisionit;

b) Një përfaqësues i Drejtorisë së Përgjithshme të Përmbarrimit, i caktuar nga drejtori i Përgjithshëm i Përmbarrimit;

c) Një përfaqësues i Ministrisë së Brendshme, i caktuar ministri;

c) Një përfaqësues i Dhomës së Përmbauesve Gjyqësorë Privatë, i caktuar nga Këshilli Drejtues i Dhomës.

9. Kryetari i komisionit ushtron këto funksione:

- a) përgatit, thërret dhe drejton mbledhjet e komisionit;
- b) përfaqëson komisionin në marrëdhëniet me të tretët;
- c) siguron mbështetjen administrative dhe organizative për funksionimin e komisionit;
- ç) siguron dokumentimin e mbledhjes së komisionit dhe mbajtjen e dokumentacionit, në përputhje me legjislacionin për arkivat;
- d) ushtron çdo detyrë tjetër të caktuar nga legjislacioni në fuqi.

10. Kryetari, menjëherë pas marrjes së kërkesës për mbrojtje, njofton anëtarët e komisionit për mbledhjen e radhës. Komisioni duhet të mbledhet menjëherë dhe jo më vonë se 48 (dyzet e tetë) orë nga paraqitja e kërkesës, sipas pikës 6 të këtij vendimi.

11. Ministria e Drejtësisë siguron mbështetjen e nevojshme organizative e administrative për realizimin e funksionit dhe të detyrave të komisionit.

12. Mbledhjet e komisionit janë të vlefshme kur janë të pranishëm jo më pak se tre anëtarë të tij. Vendimet janë të vlefshme kur miratohen të paktën nga shumica e anëtarëve të pranishëm në mbledhje. Kur votat ndahen në mënyrë të barabartë, vota e kryetarit është përcaktuese.

13. Komisioni e ushtron veprimtarinë e tij në mënyrë kolegjiale, sipas rregullave dhe procedurave të parashikuara në këtë vendim, të cilat, plotësohen, për aq sa nuk bie ndesh me dispozitat e këtij vendimi, nga rregullat e parashikuara në legjislacionin për organizimin e funksionimin e organeve kolegjiale. Pjesëmarrja në mbledhjet e komisionit është e detyrueshme. Kryetari i komisionit, në bashkëpunim me Sekretarin e Përgjithshëm të Ministrisë së Drejtësisë, cakton një sekretar nga nëpunësit e strukturës përgjegjëse për profesionet e lira në Ministrinë e Drejtësisë, i cili mban procesverbalin e zhvillimit të mbledhjes.

14. Komisioni, në procesin e shqyrtimit të kërkesave për mbrojtje të veçantë të familjes e të pronës, sipas këtij vendimi, mund të kërkojë informacione nga institucione të tjera.

15. Komisioni merr në shqyrtim kërkesën e paraqitur dhe, kur bindet për nevojën e sigurimit të mbrojtjes për përmbauesit gjyqësor, me vendim miraton mbrojtjen e veçantë të përmbauesit gjyqësor. Vendimi përmban masat konkrete të mbrojtjes së veçantë, numrin e shoqëruesve personalë, kur është rasti, afatin, brenda të cilit sigurohet mbrojtja, si dhe masa të tjera, që lidhen me këtë mbrojtje.

16. Vendimi i komisionit i njoftohet përmbauesit gjyqësor nëpërmjet Drejtorisë së Përgjithshme të Përmbaimit ose Dhomës Kombëtare të Përmbauesve Gjyqësorë Privatë dhe strukturave përgjegjëse për mbrojtjen, nga përfaqësuesi i Drejtorisë së Përgjithshme të Policisë së Shtetit.

17. Komisioni, me kërkesë të subjekteve të përcaktuara në pikën 4 të këtij vendimi, kur ka të dhëna të besueshme që provojnë se një përmbauesi gjyqësor i rrezikohet jeta, familja ose prona, mund të vendosë zgjatjen e afatit të masave të mbrojtjes, nëse rrethanat, për të cilat është siguruar më parë mbrojtja, vazhdojnë të ekzistojnë edhe pas përfundimit të këtij afati.

18. Në rast se rreziku ndaj jetës, familjes ose pronës së përmbauesit gjyqësor nën mbrojtje pushon së ekzistuari përpara përfundimit të afatit të mbrojtjes, sipas përcaktimit në vendimin e komisionit, me kërkesën e çdo subjekti të përcaktuar në pikën 4 të këtij vendimi, komisioni mund të vendosë të ndërpresë mbrojtjen e veçantë të përmbauesit gjyqësor.

19. Ngarkohen Ministria e Drejtësisë, Drejtoria e Përgjithshme e Policisë së Shtetit, Drejtoria e Përgjithshme e Përmbaimit dhe Dhoma Kombëtare e Përmbauesve Gjyqësorë Privatë për zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTËR  
Erion Braçe

